

p. 233 line 1【菩提正道善根】《阿彌陀經疏鈔》卷3：「【鈔】問：寶積大本云。欲見無量壽佛者。應發無上菩提心。復當專念彼國。積集善根。則菩提善根。似為二事。今何直以善根屬菩提心？答：彼但言善根。此乃云多善根。多之一字。非菩提心。何以當此！」(X22, p. 658, a20-24)《阿彌陀經疏鈔》卷3：「【疏】問：何故觀經發菩提心在第三福？答：以福有事理。不專事故。…【鈔】難謂：云何發菩提心而與上之二者同名曰福？今明福有事理。此菩提心。是般若中如虛空不可思量之福。非達摩所斥人天有漏之福也。故前二福猶共凡小。此獨擅大乘耳。然今疏不以配福。而屬之善根者何？良以善之與福。別之則二。總之則一。別而言之。則菩提心偏屬善根。總而言之。則菩提心亦可云福。觀經總舉言福無礙。」(X22, p. 658, a9-20)黃念祖《無量壽經解》：「菩提正道者，發菩提心，一向專念也。此即成就菩提之親因。因者，種子也。乃成就菩提果之種子，故名「善根」。」

p. 233 line 7+8【習因、報因】【習因習果】指「同類因」與「等流果」。「六因」係解釋諸法生起之原因，其第三項為同類因，舊譯為習因，係指能生起同類法之原因；又「五果」乃說明由各種因緣所生起之結果，其中之第二項為等流果，舊譯為習果，係指與原因之流類相等之結果。舊譯之「習」字，乃在強調因果關係的習續之義。即習續前念之善心，而起後念之善心為善業果，乃至習續前念之無記性，而起後念之無記性。前念稱為習因，即同類因；後念稱為習果，即等流果。【報因報果】報因，又作異熟因，指能招致三世苦樂果報之善惡業因。如以五逆之惡法感地獄之報，以十善之有漏善招天上之果。行善惡之因，感得苦樂之報。～《佛光大辭典》

p. 235 line -1【善男女】《阿彌陀經疏鈔》卷3：「【疏】善男子女人者。善有二義。一是宿生善因。一是今生善類。男女者。通指緇素利鈍。及六道一切有緣眾生也。【鈔】宿生善因者。大本云：世間人民前世為善。乃得聞阿彌陀佛名號功德。一聞佛名。慈心喜悅。志意清淨。毛髮聳然。淚即出者。或宿世曾行佛道。或他方佛所菩薩。固非凡人。則信心念佛者。皆宿修善本者也。今生善類者。如華嚴云。寧在諸惡趣。恒得聞佛名。不欲生善道。暫時不聞佛。夫不以人天為善。而以得聞佛名為善。則信心念佛者。皆善人之儔類也。」(X22, p. 659, a21-b7)

p. 236 line -2【別明三慧】《阿彌陀經要解》卷1：「善男子、善女人者，不揀在家出家，不論貴賤老少，亦復不拘六趣四生，但得聞佛名者即是多劫

善根成熟，即五逆十惡亦皆名善男女也。聞說阿彌陀佛即聞慧，執持名號即思慧，一心不亂即修慧。阿彌陀佛是萬德洪名，以名召德，罄無不盡，故即以執持名號而為正行，不必更涉觀想參究等行，至簡易至直捷也。」(T37, p. 371, b2-9)

【三慧】聞慧、思慧、修慧。為證入解脫境界所必須具備的三種智慧。分別是由聽聞、思惟、修禪定所形成的。聞慧指對佛法正確的理解，思慧指對於佛法的正確思考，修慧指由禪定引發的無漏慧。

〔俱舍家所說〕慧十大地法之一，乃揀擇一切事理的作用。與其他修行理論相擬配，則五停心是聞慧，總別相念處是思慧，煖位以後是修慧，無漏慧也是修慧。若就地界作區別，則聞慧在欲、色二界，不在無色界，以無色界不用耳根聞法故。思慧只在欲界，以色、無色界是定地故。修慧在色、無色界，不在欲界，以欲界是散地故。因而以欲界身起修慧者，是修上界定。

〔唯識家所說〕《法苑義林章》卷六：以聞為因，因聞所成之慧；由思籌度勝慧方生，因相應思所成慧；修者證義，明證境故，因定相應所成慧。聞慧是在第六意識，兼通前五識。思慧在第六意識。修慧若是因位，在第六意識；若是果位則通諸識。若將此三慧配列菩薩位地，則五位中，資糧位通聞、思、修，加行位的四善根以上是修慧，但四善根為欲界之身，若出觀，則起聞、思慧。以上為有漏的三慧。此外，十地中，七地以前定散心雜，皆可起三慧，但八地以上純無漏相續，皆無散心，故不起聞、思二慧，只起修慧。—《中華佛教百科全書》《佛地經論》卷1：「聞所成慧名為大念，聞已記持無倒義故。思所成慧名為大慧，依理審思得決定故。修所成慧名為大行，由修習力趣真理故。大者。念等緣大乘法而生起故，是彼果故，彼所攝故，履三妙慧淨土往還，故名遊路。此說菩薩因三妙慧，得入淨土。」(T26, p. 295, b26-c2)

《阿彌陀經疏鈔》卷3：「思慧者。既入乎耳。須存乎心。諦審諦觀。是何法門。是何義理。是之謂思。而言慧者。思即是慧。禽畜雖聞。不解思故。愚人雖聞。入耳出口。不憶想故。故曰思慧。修慧者。既深思之。宜力行之。是之謂修。而言慧者。修即是慧。狂人雖思。蔽精役神。不實踐故。」(X22, p. 660, a10-15)

p. 237 line 4【譌】音「ㄊㄨˇ」1. 錯誤 2. 用威嚇的手段詐取財物 3. 虛假。或化訛字。「ㄍㄨㄣˇ」欺騙，同詭字。—《丁德先新創字典》

p. 238 line 2【心具心造】《靈峰蕩益大師宗論》卷2：「無法不從心造，無

法不即心具；識取自心，佛祖道盡矣。心造者，即理恒事也。心具者，即事恒理也。」(J36, p.296, b8-9)《大方廣佛華嚴經》卷19〈20 夜摩宮中偈讚品〉：「心如工畫師，能畫諸世間，五蘊悉從生，無法而不造。如心佛亦爾，如佛眾生然，應知佛與心，體性皆無盡。若人知心行，普造諸世間，是人則見佛，了佛真實性。…若人欲了知，三世一切佛，應觀法界性，一切唯心造。」(T10, p.102, a21-b1)知禮《金光明經玄義拾遺記》卷5：「今家妙解華嚴心造。乃有二義：一者理造。造即是具。二者事造。通於三世。造於十界。…故十界身一一皆是全性起修。雖全是性。而因成感果。無少差忒。如破戒心成。能造地獄種種苦具。宿豫嚴待。故十界身皆有假實及以依報。無有一物從外而起。」(T39, p.37, b21-28)《徹悟禪師語錄》卷2：「一信生必有死(普天之下。從古至今。曾無一人逃得)。二信人命無常(出息雖存。入息難保。一息不來。即為後世)。三信輪回路險(一念之差。便墮惡趣。得人身如爪上土。失人身者如大地土)。四信苦趣時長(三途一報五千劫。再出頭來是幾時)。五信佛語不虛(此日月輪。可令墮落。妙高山王。可使傾動。諸佛所言。無有異也)。六信實有淨土(如今娑婆無異。的的現有)。七信願生即生(己今當願。己今當生。經有明文。豈欺我哉)。八信生即不退(境勝緣強。退心不起)。九信一生成佛(壽命無量。何事不辦)。十信法本唯心(唯心有具、造二義。如上諸法。皆我心具。皆我心造)。信佛語故。則造後四。不信佛語。但造前四。故深信佛言。即深信自心也。修淨業者。能具此十種信心。其樂土之生。如操左券而取故物。夫何難之有。」(X62, p.350, c2-15)

p.238 line 2【洪名為繫心之境】《阿彌陀經疏鈔》卷3：「【疏】名號者。阿彌陀佛四字洪各。不兼色像等。如文殊般若。及毗婆沙論中說。以色像等攝名中故。【鈔】不兼色像等者。正明此經專主執持名號也。…攝名中者二義。一者名必有相故。二者名相皆不離一心故。則一舉佛名。正報依報攝無不盡。何疑色像。」(X22, p.660, a22-24)「【疏】今人聞佛不肯執持者。約有四障。四障破除。方能執持。乃至一心故。【鈔】障者。遮也。以此四種。遮障念心。不肯執持。故須破除。四障者：一謂即心是佛。何必捨己念彼。不知即佛是心。不妨念佛故。良繇即心是佛。豈不即佛是心。但執念心。不許念佛。則心佛是二。即義不成。是以念佛念心。兩不礙故。二謂何不徧念諸佛。而唯念一佛。不知心專志一。乃成三昧故。良繇眾生智淺。繁則不勝。故用志不分者神凝。役心行岐者功喪。如普廣大士問佛。十方俱有佛土。何以獨讚西方。佛言。閻浮提人。心多雜亂。令其專心一境。乃得往生。以諸佛同一

法性身。念一佛。即念一切佛故。三謂佛佛可念。何不隨念一佛。而必念阿彌陀佛。不知彼佛與諸眾生。偏有因緣故。良繇彼佛名號。人所樂稱。就令惡人。有時不覺失聲念佛。乃至人逢善事。不覺念佛。歡喜讚歎。人逢惡事。及與苦難。不覺念佛。傷悲痛切。機感因緣。莫或使之而自然故。四謂何不念佛功德智慧。相好光明。而但念名號。不知持名。於末法中最逗機故。不思議故。逗機者。文殊般若經云。眾生愚鈍。觀不能解。但令念聲相續。自得往生。不思議者。如前所明一行三昧。則不但逗乎鈍機。神用不測故。如遺教經言。心者制之一處。無事不辦。今制心佛號。而至一心。何可思議。」(X22, p. 660, b13-c12)

p. 238 line 5【七日剋期】《阿彌陀經疏鈔》卷3：「【疏】又此七日。不必定是臨終七日。以平時有如是定力者。必生彼國。【鈔】平時者。恐人執七日之文。謂必一日至七而便命終。方名七日。故言或臨終、或平時。但有一日或七日之定力者。皆得往生也。所謂閒時辦。忙時用。後至命終。因果相符。必生彼國。」(X22, p. 661, b1-6) 王耕心《摩訶阿彌陀經衷論》卷1：「所謂一日至七日。乃指一心不亂在定之期。非謂念佛一日至七日即能得一心不亂也。一心不亂之期。多則七日。少則一日。皆名念佛三昧。久暫雖異。一心則同。果能一日不亂。即不難七日不亂。故無事區別也。修淨業者。當知一心不亂即為念佛三昧。而念佛三昧決無七日即證之理。學者果能先具信願。力求三昧。當閉關專念。必念至一心不亂。然後得為現證三昧。一心不亂是為實定。實定之期不妨七日。亦不妨多日。而至少亦必須一日。若念至一心不亂之期。則各視其人業力之厚薄。宿根之深淺。果能數月即證一心。已屬上根。若猶未能。則百日千日皆不可定。無論七日。決無遽證之理。即百日亦斷不敢必。超脫生死之大事。一心不亂之實定。不可誤信講師謬解。以七日之輕心掉之。及求而不得。復不知謬解之失。反腹誹先佛之遺文本無實效。則一誤再誤。其妄彌甚矣。」(X22, p. 159, b6-21)

事持：「憶念」。聞佛名號。常憶常念。以心緣歷。字字分明。前句後句。相續不斷。行住坐臥唯此一念。無第二念。不為貪瞋煩惱諸念之所雜亂。所謂空閒寂寞。而一其心。在眾煩惱。而一其心。乃至褻訕利失善惡等處。皆一其心者。

理持：「體究」。聞佛名號。不惟憶念。即念反觀。體察究審。鞠其根源。中有二義：  
1. 如智不二。能念心外。無有佛為我所念。是智外無如。所念佛外。無有心能念於佛。是如外無智。非如非智。故惟一心。2. 寂照難思。離於四句一有、無、亦有亦無、非有非無。常寂、常照、不寂不照、而照而寂。言思路絕。無可名狀。故唯一心。斯則能所情消。有無見盡。體究之極。於自本心。忽然契合。